



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՄԵԾԱՄՈՐ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Արմավիրի մարզի Մեծամորի համայնք
ՀՀ, Արմավիրի մարզ, ք.Մեծամոր, 060656505 info@mecamor.am

Ո Ր Ո Շ ՈՒ Մ

25 հունվարի 2024 թվականի N 311-Ա

ՔԱՂԱՔԱՑԻ ՀՈՎՀԱՆՆԵՍ ԱԶԱՏԻ ՀԱԿՈՐՅԱՆԻՆ ՎԱՐՉԱԿԱՆ ՊԱՏԱՍԽԱՆԱՏՎՈՒԹՅԱՆ ԵՆԹԱՐԿԵԼՈՒ ՄԱՍԻՆ

1. Վարչական ակտով լուծվող հարցի նկարագրություն.

Հայաստանի Հանրապետության Արմավիրի մարզի Մեծամորի համայնքապետարանի աշխատակազմի գյուղատնտեսության և բնապահպանության, քաղաքաշինության և հողաշինության բաժինների աշխատակիցների կողմից 2023 թվականի դեկտեմբերի 16-ին կազմված արձանագրության համաձայն, «Վարչարարության հիմունքների և վարչական վարույթի մասին» Հայաստանի Հանրապետության օրենքի 30-րդ հոդվածի 1-ին մասի «բ» կետի հիմքով հարուցվել է վարչական վարույթ՝ Հովհաննես Ազատի Հակոբյանի կողմից «Վարչական իրավախախտումների վերաբերյալ» Հայաստանի Հանրապետության օրենսգրքի 54.2-րդ հոդվածի 1-ին պարբերությամբ նախատեսված՝ հողի բերրի շերտի օգտագործման կարգը խախտելու համար, որն առաջացնում է տուգանքի նշանակում քաղաքացիների նկատմամբ՝ սահմանված նվազագույն աշխատավարձի երեսնապատիկի չափով, իսկ պաշտոնատար անձանց նկատմամբ՝ հիսնապատիկի չափով, 54⁴-րդ հոդվածի 2-րդ պարբերության՝ հողերի խախտման հետ կապված աշխատանքներ կատարելիս հողի բերրի շերտը չկուտակելու, չպահպանելու, ոչ արդյունավետ և ոչ նպատակային օգտագործելու, ապօրինի տեղափոխելու, շինարարական աշխատանքներ կատարելու հետևանքով հանված բերրի շերտը ապօրինի վաճառելու համար, որն առաջացնում է տուգանքի նշանակում քաղաքացիների նկատմամբ՝ սահմանված նվազագույն աշխատավարձի հիսնապատիկի չափով, իսկ պաշտոնատար անձանց նկատմամբ՝ հարյուրապատիկի չափով, 58-րդ հոդվածի 1-ին մասի՝ հողօգտագործման սահմանները խախտելու կամ սահմանանիշերը ոչնչացնելու համար, որն առաջացնում է տուգանքի նշանակում քաղաքացիների նկատմամբ՝ սահմանված նվազագույն աշխատավարձի երեսնապատիկի չափով և 154-րդ հոդվածի 2-րդ մասով նախատեսված՝ սույն հոդվածի 1-ին մասում նշված արարքները գյուղական բնակավայրերում իրականացնելու համար, որն առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

«Վարչարարության հիմունքների և վարչական վարույթի մասին» Հայաստանի Հանրապետության օրենքով սահմանված կարգով հարուցված և իրականացված վարչական իրավախախտման վերաբերյալ գործի քննության ընթացքում գործի փաստական հանգամանքների բազմակողմանի, լրիվ և օբյեկտիվ քննության արդյունքում, բացահայտելով գործի բոլոր հանգամանքները, վարչական մարմինը հաստատված է համարում հետևյալը.

2.Վարչական ակտն ընդունելու համար հիմք հանդիսացող փաստերը.

Հայաստանի Հանրապետության Արմավիրի մարզի Մեծամորի համայնքապետարանի աշխատակազմի գյուղատնտեսության և բնապահպանության, քաղաքաշինության և հողաշինության բաժինների աշխատակիցների կողմից 2023 թվականի դեկտեմբերի 16-ին կազմված արձանագրության համաձայն՝ ՀՀ Արմավիրի մարզի Մեծամոր համայնքի Եղեգնուտ բնակավայր թիվ 7 հողամասում, Հովհաննես Հակոբյանին սեփականության իրավունքով պատկանող հողամասում կատարվում էին շինարարական աշխատանքներ: Ձկնաբուծարանի կառուցման համար կատարվում էր քանդման աշխատանք, որտեղից քանդված հողը դատարկվում էր մոտ 200մ. հեռավորության վրա գտնվող հողամասում, որը պատկանում է Գասպար Հակոբյանին, նշված աշխատանքները կասեցվել են, քանի որ շինարարական աշխատանքների համար բացակայում էր 5-րդ ձևի տեղեկանքը: 2024 թվականի հունվարի 03-ին համայնքի ղեկավարի կողմից կայացվել է թիվ 0004-Ա որոշումը՝ Հովհաննես Ազատի Հակոբյանի նկատմամբ վարչական վարույթ հարուցելու մասին և գործի լսման օր է նշանակվել 2024 թվականի հունվարի 18-ին ժամը 12:00-ին համայնքապետարանի վարչական շենքում, որին մասնակցելու նպատակով պատշաճ կերպով ծանուցվել էր Հովհաննես Ազատի Հակոբյանը/ստացական՝ LO116129829AM/: «Հայփոստ» ՓԲ ընկերությունից ստացվել է ծանուցումը ստանալու մասին փաստը հավաստող ծանուցագիրը՝ 2024թվականի հունվարի 16-ին Հովհաննես Ազատի Հակոբյանի ստորագրությամբ, սակայն վերջինս չի ներկայացել վարչական վարույթի լսմանը:

3.Վարչական ակտն ընդունելու հիմնավորումը.

«Վարչական իրավախախտումների վերաբերյալ» Հայաստանի Հանրապետության օրենսգրքի 54.2-րդ հոդվածի 1-ին մասը պատասխանատվություն է նախատեսում՝ հողի բերրի շերտի օգտագործման կարգը խախտելու համար, որն առաջացնում է տուգանքի նշանակում քաղաքացիների նկատմամբ՝ սահմանված նվազագույն աշխատավարձի երեսնապատիկի չափով, իսկ պաշտոնատար անձանց նկատմամբ՝ հիսնապատիկի չափով, 54⁴-րդ հոդվածի 2-րդ պարբերությանը պատասխանատվություն է նախատեսում՝ հողերի խախտման հետ կապված աշխատանքներ կատարելիս հողի բերրի շերտը չկուտակելու, չպահպանելու, ոչ արդյունավետ և ոչ նպատակային օգտագործելու, ապօրինի տեղափոխելու, շինարարական աշխատանքներ կատարելու հետևանքով հանված բերրի շերտը ապօրինի վաճառելու համար, որն առաջացնում է տուգանքի նշանակում քաղաքացիների նկատմամբ՝ սահմանված նվազագույն աշխատավարձի հիսնապատիկի չափով, իսկ պաշտոնատար անձանց նկատմամբ՝ հարյուրապատիկի չափով, 58-րդ հոդվածի 1-ին մասը պատասխանատվություն է նախատեսում՝ հողօգտագործման սահմանները խախտելու կամ սահմանանիշերը ոչնչացնելու

համար, որն առաջացնում է տուգանքի նշանակում քաղաքացիների նկատմամբ՝ սահմանված նվազագույն աշխատավարձի երեսնապատիկի չափով և նույն օրենսգրքի 154-րդ հոդվածի 2-րդ մասը պատասխանատվություն է նախատեսում՝ սույն հոդվածի 1-ին մասում նշված արարքները գյուղական բնակավայրերում իրականացնելու համար, որն առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

«Վարչական իրավախախտումների վերաբերյալ» Հայաստանի Հանրապետության օրենսգրքի 219¹-րդ հոդվածի 4-րդ պարբերության համաձայն՝ տարածքային կառավարման մարմինների անունից վարչական իրավախախտումների վերաբերյալ գործեր քննելու և վարչական տույժ նշանակելու իրավունք ունեն մարզպետները, իսկ տեղական ինքնակառավարման մարմինների անունից՝ համայնքի ղեկավարները:

«Տեղական ինքնակառավարման մասին» Հայաստանի Հանրապետության օրենքի 35-րդ հոդվածի 1-ին մասի 26-րդ կետի համաձայն՝ համայնքի ղեկավարը, օրենքով նախատեսված դեպքերում և կարգով անձանց ենթարկում է վարչական պատասխանատվության:

Ելնելով վերոգրյալից և ղեկավարվելով «Տեղական ինքնակառավարման մասին» Հայաստանի Հանրապետության օրենքի 35-րդ հոդվածի 1-ին մասի 26-րդ կետով, «Վարչարարության հիմունքների և վարչական վարույթի մասին» Հայաստանի Հանրապետության օրենքի 30-րդ հոդվածի 1-ին մասի «բ» ենթակետով, 53-60-րդ հոդվածներով և «Վարչական իրավախախտումների վերաբերյալ» Հայաստանի Հանրապետության օրենսգրքի 54.2-րդ հոդվածի 1-ին մասով, 54⁴-րդ հոդվածի 2-րդ պարբերությունով, 58-րդ հոդվածի 1-ին մասով և 154-րդ հոդվածի 2-րդ մասով սահմանված պահանջներով:

ՈՐՈՇՈՒՄ ԵՄ՝

1. Քաղաքացի Հովհաննես Ազատի Հակոբյանին ենթարկել վարչական պատասխանատվության՝ «Վարչական իրավախախտումների վերաբերյալ» Հայաստանի Հանրապետության օրենսգրքի 54.2-րդ հոդվածի 1-ին մասով, 54⁴-րդ հոդվածի 2-րդ պարբերությունով, 58-րդ հոդվածի 1-ին մասով և 154-րդ հոդվածի 2-րդ մասով նախատեսված արարքներ կատարելու համար և նշանակել տուգանք՝ 210.000 (երկու հարյուր տաս հազար) ՀՀ դրամ գումարի չափով:

2. Քաղաքացի Հովհաննես Ազատի Հակոբյանին տալ պարտադիր ցուցում՝ օրենքով սահմանված կարգով վերացնել վարչական իրավախախտման հետևանքները:


3. Սույն որոշումն ուժի մեջ է մտնում ընդունման պահից:

4. Սույն որոշումը համարվում է վարչական ակտի հասցեատիրոջը հանձնված (պատշաճ ծանուցված) նաև որոշման մասին ծանուցումը Հայաստանի Հանրապետության հրապարակային ծանուցումների պաշտոնական ինտերնետային կայքում (azdarar.am) տեղադրելու օրվան հաջորդող հինգերորդ օրը:

5. Սույն որոշումը կարող է վարչական կարգով բողոքարկվել Մեծամոր համայնքի ղեկավարին, դրա ուժի մեջ մտնելու օրվանից մեկամսյա ժամկետում կամ դատական կարգով Հայաստանի Հանրապետության վարչական դատարան՝ դրա ուժի մեջ մտնելու օրվանից երկամսյա ժամկետում:

ՀԱՄԱՅՆՔԻ ՂԵԿԱՎԱՐ՝

2024 թվականի հունվարի 25
ք.Մեծամոր



Վ. ԽԱՉԱՏՐՅԱՆ